



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christ. Francisci Paullini, Ferrariâ-Thuringi, Rerum Et
Antiquitatum Germanicarum Syntagma**

Paullini, Christian Franz

Francofvrti ad Moenvm, 1698

XXVII. Wolfhelmus

urn:nbn:de:hbz:466:1-44860

XXII. Ec-
bertus.

XXII. ECBERTUS.

Multa fieri fecit domicilia, cunprimis dormitorium. Cum *Athalberone*, Episcopo in *Würceburg*, controversiam habuit propter jus Dioccesanum, sed exceptionem veterem obtinuit. Sub eo Monasterium ex Regia potestate ad Apostolicam Sedem transit. In colligendis Veterum historiis laboriosus fuit, amator antiquitatum. Moritur A. D. MLVIII. Prælatuæ X.

XXIII.
Sigfridus.

XXIII. SIGFRIDUS.

Professus Fuldensis, doctus & pius, Comes de *Epstein*. Fit secundo Prælatuæ anno Archi-Episcopus Maguntinus. Ivit postea ad terram sanctam cum *Trajectensi*, *Papenbergensi*, & *Ratisponensi* Episcopo &c. Difficile iter & multis periculis cinctum. (t) Reversus moritur in Doringia AD. MLIX. Jacet in Monasterio *Hafungen* O. S. P. nostri.

XXIV.
Wideradus.

XXIV. WIDERADUS.

Etiam Professus Fuldensis & Comes de *Epstein*. Hic est ille, qui *Goslaræ* A. D. MLXIII., tertio Prælatuæ suæ, (u) cum Episcopo *Hillesemensi* *Hezelone* pugnam cruentam habuit, præsentem *Henrico* Rege. (w) A pulvere suffocatur, cum curru veheretur, AD. MLXXV. Prælatuæ XV.

XXV.
Ruthartus.

XXV. RUTHARTUS.

Monachus *Herosveltensis* ab ipso *Henrico IV.* in curia sua electus, præter omnium opinionem. Utiliter præfuit & magna cum gloria Monasteria *B. Virginis* & *S. Michaëlis* sub regula *S. Benedicti* instauravit & dedicavit: Episcopatum in *Halberstad* magno zelo repudiavit. Moritur AD. MXCVI. Prælatuæ XXI.

XXVI.
Godfridus.

XXVI. GODFRIDUS.

Hic tristia vidit tempora. *Fulda* enim exusta AD. MCIII. & invidia rabiente apud Regem *Henricum* in curia, quam habuit in *Franckenward*, quasi negligenter curaret sua, anno MCIX. depositus est, Prælatuæ suæ XIII. Moritur *Coloniæ*.

XXVII.
Wolffhel-
mus.

XXVII. WOLFHELMUS.

Professus Fuldensis, *Henrici V.* gratiâ successit AD. MCIX. capellam *S. Alexandri* construxit versus Septentrionem. In bello contra *Ludovicum*, Landgravium *Doringiæ*, cum Abbate *Herosveltensi* parùm fortunæ sensit. Captus enim à Landgravio in obfessione *Wartpurgi*, in castro *Meysenburg* per tres

(t) Vid. Lambert. p. m. 172. seqq. (u) vid. Id. fulsissime ad h. a. (w) Vid. chron. Hildes. Reutel. p. 85.

tres annos inclusus est: *Häselsteinium* etiam castrum, in sua Abbatia situm, obsedit, sed non sine damno. Deponitur AD. MCXIV. Prælatu-
ræ V., quòd bona monastica nimis liberaliter consumeret. Moritur eòdem annò.
Jacet in sacello S. *Alexandri*.

XXVIII. ERLOLFUS.

XXVIII.

Pius, virtuosus, doctus & eloquens, Abbas *Murbaccensis*, Maguntia ab
Henrico præponitur cum murmuratione Fratrum, quia contra jura Mona-
sterii erat. Ideo ab Imperatore missus Romam cum *Brunone*, Spirensi
Episcopo, in magnis Imperii negotiis ad *Calixtum II.* Papam. Svasor
enim fuerat, quomodo schisma aboleri possit, & rediit cum gloria. Mona-
sterium magna damna passum in multis; latrones dilacerarunt territo-
rium Monasterii, basilica versùs Orientem decidit AD. MCXX. & tanta
paupertas ubique, ut victus & amictus deficeret, & præter *Miserere* nil re-
staret. *Mylseburg* & *Häselstein* munivisse dicitur pro defensione Ecclesiæ
sue. Tandem cum omnia desperata viderentur, & sursum deorsumque
volverentur, abiit *Wormaciam* anno Prælatu-
ræ VIII. Moritur ibi AD.
MCXXII.

XXIX. UTHALRICUS.

XXIX.

Natione & Professione Fuldensis Romæ consecratur à *Calixto II.* Bo-
nus Pater, insuper liberalis, modestus, justus & bonæ conversationis, qui
Ecclesiæ utiliter præfuit, eamque valde instauravit. Sed deponitur anno
Prælatu-
ræ quinto, per Papæ *Honorii* Legatum, abiens tamen, cum magno
suorum dolore, quia contra *Lotharium* Cæsarem II. cum *Conrado*, Duce
Franconia, fecerat. Postea vixit in *Würceburg*, ubi etiam moritur AD.
MCXXXIV.

XXX. HENRICUS I.

XXX.

E familia de *Kemnat*, Professus & Decanus Fuldensis, Præpositus
nuper Collegii in *Brustloa*, in præsentia *Lotharii* Imperatoris electus.
Propter inopiam, quam fecerant sumtus varii, & ii sæpe inutiles, & quia
curiam Imperialem sequi debebat, resignat AD. MCXXXIII. in manus
Lotharii Fuldæ reversi, & qui tunc in monte S. *Andree* erat, anno Præ-
laturæ VII., Vixit postea ut privatus.

XXXI. BERTHOLDUS I.

XXXI.

Ex familia de *Görze*, laudabilis Abbas. Ivit cum *Lothario* Rege Ro-
mam, ubi & ipse cum *Innocentio II.* consecratus est, reportans magna pri-
vilegia, potestatem sc. gestandi mitram, annulum, baculum &c. Et pro-
clamatus est à Papa *Primus* omnium Abbatum per Germaniam & Galliam.
Imperator dedit Regalia. Moritur AD. MCXXXV. Prælatu-
ræ II.

(Nnn)

XXXII.